

Oqaluuserisassanut nassuiaat

(Inatsisartut Siulittaasuat)

Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliaq immikkoortup 75-ip aappassaaneerneqarnissaata UKA25-mit UPA26-mut kinguartinneqarnissaanik qinnuteqarpoq, immikkoortup ataatsimiititaliami suliarineqarneranut ataatsimiititaliaq piffissamik annertunerusumik pisariaqartitsimmat.

Immikkoortup 75-ip aappassaaneerneqarnissaata UPA26-mut kinguartinneqarnissaanik qinnuteqaat siulittaasoqarfiup akueraa.

Immikkoortup 75-ip qulequtaraa:

Naalakkersuisut Ilulissani GUX-imik tassungalu atatillugu ilinniartut inaannik kingusinnerpaamik ukioq 2027 naatinnagu pilersitsinissaannut peqquneqarnissaannik Inatsisartunut aalajangiiffigisassatut siunnersuut.

Inatsisartunut ilaasortaq Jens NapätôK', Naleraq

Inatsisinut Ataatsimiititaliaq immikkoortup 31-p aappassaaneerneqarnissaata UPA26-mut kinguartinneqarnissaanik qinnuteqarpoq, immikkoortup ataatsimiititaliami suliarineqarneranut ataatsimiititaliaq piffissamik annertunerusumik pisariaqartitsimmat.

Immikkoortup 31-p aappaaneerneqarnissaata UPA26-mut kinguartinneqarnissaanik qinnuteqaat siulittaasoqarfiup akueraa.

Immikkoortup 31-p qulequtaraa:

Namminersorlutik Oqartussat sakkut pillugit inatsimmik allannguinnissamut siunnersuummik atuutsitsilernissaat pillugu Inatsisartunut aalajangiiffigisassatut siunnersuut (Aallaasinik il.il. pigisaqarnissamut ukiunik killiliineq kiisalu aallaasinik inissiivinnik piumasaqaat)

Aalisarnermut, Piniarnermut, Nunalerinermut Imminullu Pilersornermut Naalakkersuisoq

Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliaq immikkoortup 29-p aappassaaneerneqarnissaata novembarip ulluisa sisamaannit UKA25-imi kingusinnerusumut kinguartinneqarnissaanik qinnuteqarpoq, immikkoortup ataatsimiititaliami suliarineqarneranut ataatsimiititaliaq piffissamik annertunerusumik pisariaqartitsimmat.

Immikkoortup 29-ip aappassaaneerneqarnissaata UKA25-imi kingusinnerusumut

kinguartinneqarnissaanik qinnuteqaat siulittaasoqarfiup akueraa. Aappassaaneerinninnissamut ulluliussaq nutaaq kingusinnerusukkut paasissutissiissutigineqarumaarpoq.

Immikkoortup 29-p qulequtaraa:

Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

Inuussutissarsiornermut Aatsitassanullu Ataatsimiititaliaq immikkoortup 58-ip aappassaaneerneqarnissaata novembarip ulluisa sisamaannit kingusinnerusumut kinguartinneqarnissaanik qinnuteqarpoq, immikkoortup ataatsimiititaliami suliarineqarneranut ataatsimiititaliaq piffissamik annertunerusumik pisariaqartitsimmat.

Immikkoortup 58-ip aappassaaneerneqarnissaata UPA26-mut kinguartinneqarnissaanik qinnuteqaat siulittaasoqarfiup akueraa.

Immikkoortup 58-p qulequtaraa:

Kalaallit Nunaanni piffissap suliffiusartup sapaatip akunneranut nalunaaquttap akunnerinit 40-nit sapaatip akunneranut nalunaaquttap akunnerinut 35-inut 37-inulluunniit appartinneqarnerata aningaasaqarnikkut, inuiaqatigiinnut peqqissutsimullu kingunerisassaanik misissueqqullugit Naalakkersuisut peqqunneqarnissaannik Inatsisartut aalajangiiffigisassaattut siunnersuut.

Misissuinerup inernera 1. januar 2027-iutinnagu Inatsisartunut agguanneqassaaq.

Inatsisartunut ilaasortaq Karen Marie Kyed Frederiksen, Demokraatit

Nunanut Allanut Ilisimatusarnermullu Naalakkersuisoq immikkoortup 14-ip novembarip ulluisa arfineq-aappaanni tunniunneqarfissaanik nutaamik qinnuteqarpoq.

Immikkoortup 14-ip novembarip ulluisa arfineq-aappaanni tunniunneqarnissaanik qinnuteqaat siulittaasoqarfiup akueraa, novembarillu ulluisa aqqaneq-aappaanni suliarineqarnissaa aalajangiusimallugu.

Immikkoortup 14-ip qulequtaraa:

Nunanut Allanut tunngasutigut naalakkersuinikkut ingerlatsineq pillugu nassuiaat 2024

Nunanut Allanut Ilisimatusarnermullu Naalakkersuisoq

Oqaluuserisassani immikkoortoq 5 Siunnersuisoqatigiinnut aalajangiisartutullu ataatsimiititalianut ilaasortassanik sinniisussaannillu qinersineq novembarip ulluisa tallimaanni oqaluuserisassani ataatsimiinnertut matoqqasutut nangeqqinneqassaaq.

Inatsisinut Ataatsimiititaliaq immikkoortut 85-ip 104-llu aappassaaneerneqarnissaasa pingajussaaneerneqarnissaasalu UKA2025 Imm. II-mut kinguartinneqarnissaannik qinnuteqarpoq. Immikkoortut 6. november 2025 aappassaaniigassanngortinneqarlutillu 13. november

pingajussaaniigassanngortinneqarsimagaluarput.

Ataatsimiititaliaq siunnersuummik suliarinninnerminut kiisalu susassaqartut attuumassutillit peqataatinneqarnissaannut piffissaqarnerorusuppoq.

Immikkoortut 85-ip 104-llu aappassaaneerneqarnissaasa pingajussaaneerneqarnissaasalu UKA25 Imm. II-mi suliarineqarfissanut nutaanut kinguartinneqarnissaannik qinnuteqaat siulitttaasoqarfiup akueraa.

Immikkoortut 85 aamma 105 2026-mi februaarip ulluisa pingajuaanni aappassaaneerneqassapput februaarillu ulluisa aqqarnganni pingajussaaneerneqarlutik.

Immikkoortuni 85-imi 104-milu pineqarput:

Uunga siunnersuut: Nalunaaquttap aalajangersarneqarnera pillugu Inatsisartut inatsisaata allanngortinneqarneranik Inatsisartut inatsisaat (Nalunaaquttat ingerlaqatigiiffiannut allamut ikaarsarneq, aasaanerani nalunaaquttap atorunnaarsinneqarnera)
Naleqqamit Siumumiillu saqqummiunneqartut

Siunnersuuteqartup siunnersuummi immikkoortup 49-p oqaluuserisassanit tunuartinneqarnissaanik qinnuteqarpoq, taamaalilluni immikkoortoq 49 oqaluuserisassanit peerneqarluni.

Immikkoortup 49-p qulequtaraa:

EU-mut ilannguteqqinnerup ajunngitsortarisinnaasai ajoqutigisinnaasaalu qulaajarniarlugit Naalakkersuisut nassuiaammik suliaqaqullugit peqquneqarnissaannik Inatsisartut aalajangiiffigisassaattut siunnersuut. Misissuinnermi aamma inatsisinut tunngatillugu ilannguteqqinnermi inissisimanerit soorlu qanoq atugassaqartitaalluni Kalaallit Nunaat tamakkiisumik ilaasortanngorsinnaanersoq qulaajarneqassapput. Misissuineq Inatsisartunut 1. januar 2027-mi agguanneqassaaq.
Inatsisartunut ilaasortaq Justus Hansen, Demokraatit

Immikkoortup 159-ip kinguartinneqarnissaanik siunnersuuteqartoq kissaateqarpoq. Immikkoortoq 159 UPA26-mut kinguartinneqarpoq.

Immikkoortup 159-p qulequtaraa:

Ittoqqortoormiini umiarsualivissamik nutaamik Naalakkersuisut sanaartornissamut pilersaarusiornissamut peqquneqarnissaannik Inatsisartut aalajangiiffigisassaattut siunnersuut.
Inatsisartunut ilaasortaq Mette Arge-Hammeken, Naleraq

Uku akornanni taasisarnerit pillugit isumaqatigiissuteqartoqarpoq:

Pele Broberg, Naleraq aamma Pipaluk Olsen, Demokraatit

Justus Hansen, Demokraatit aamma Mette Arge-Hammeken, Naleraq